

քննութեան միջոցին արտաքին գործոց նախարարը պնդել է, որ ճանաչումը ներկայումս միտք չունի, քանի որոշւած չեն նրա սահմանները. սահմանների որոշումից յետոյ Ամերիկան կասի իր խօսքը: Դէպի ծով ելք ունենալու խնդրի վերաբերմամբ Ամերիկայի տեսակէտն այն է, որ Տրապիզոնը պէտք է լինի Հայաստանի նաւահանգիստը:

Իտալական կառավարութիւնը, որի կողմից սիրալիր ընդունելութիւն է դտել մեր ներկայացուցիչ Մ. Վարանդեանը, Հայաստանի ստեղծմանը վերաբերում է ամենայն համակրութեամբ. նա շահագրգռւած է Հայաստանի հետ տնտեսական և առևտրական կապեր հաստատելու, միաժամանակ խօսք է տւել Սան Ռէմօում պաշտպանել մեր դատը:

Ամենից քիչ տեղեկութիւններ ունենք Ֆրանսայի մասին, որի վերաբերմունքը դէպի հայկական դատը, առհասարակ, սառն է, երևի այն պատճառաբանութեամբ, թէ տնտեսապէս ինքը ևս քայքայւած է և, բացի այդ, հայկական պահանջները ներհակում են իր շահերին. նաւահանգստի վերաբերմամբ այն տեսակէտն ունեն, որ Բաթումից պէտք է օգտուենք: Կարծում ենք, որ մայիսի ընթացքում շատ հետաքրքիր նորութիւններ պէտք է լսենք մեր հարցի մասին. պատւիրակութիւնը դեռ ևս կը մնայ, մինչև վերջնական վճիռ ստանալը:

Մեքէ և մեր հարեւանները. — Ինչ վերաբերում է Վրաստանի և Ազրբէջանի հետ դնեցած մեր ներքին յարաբերութիւններին, պատիւ ունեմ յայտնելու, որ իրագործել ենք մեր տեսակէտը և հասել որոշ հետեւանքների:

Ղարաբաղի և Զանգեզուրի դէպքերը յայտնի են ձեզ. հայ անպաշտպան զիւզացին, յունենալով ռազմաժխերք և կանոնաւոր զօրք, դուրս է եկել օրհասական կուրի իր վրա յարձակողների դէմ և, բնականօրէն, չի կարողացել դիմադրել մինչև վերջը. դրա հետեւանքը եղել է այն, որ թաթարների կողմից այրւել են լքւած գիւղերը, Եւլախ-Շուշի ճանապարհի երկու կողմն ընկած հայկական գիւղերը մաքրւել են, Շուշու հայկական մասը աւերւել է հիմնովին. քաղաքում տեղի է ունեցել նաև ջարդ, որի ընթացքում հայերը տւել են 400-500 զոհ: Վերջին երեք շաբաթւայ ընթացքում Զանգեզուրի տերիտորիայի վրա ազրբէջանեան զօրքեր և բանդաներ չեն երևացել, այնուամենայնիւ, ժողովուրդը դեռ զինւորական պայմանների մէջ է ապրում:

Ապրիլ 10-ին Թիֆլիսի մեր պատւիրակութեան հեռագրի համաձայն անդրկովկասեան խորհրդատոգովը որոշել է դադարեցնել կռիւներն ու յանձնատոգովներ ուղարկել դէպքերը տեղում քննելու: Ղաղախի յանձնատոգովն իր գործը վերջացրել է մի օրում և ապրիլ 14-ին վերադարձել Թիֆլիս: Ապրիլ 19-ին մի յանձնատոգով է ճանապարհւել Շուշի. 23-ին ստացւած հեռագիրն ասում է, որ իրենք Եւլախ-Շուշի ճանապարհի վրա ոչ մի հայ չեն տեսել: Շուշում պատահել են մի քանի հոգու, որոնք պատուարւած են եղել այս ու այն թաթարի մօտ: Երրորդ յանձնատոգովը, որ պիտի գնայ Եարուր-Նախիջևան, հասել է Երևան. նա դեռ դուրս չի եկել ճանապարհների փակ լինելու պատճառով. յանձնատոգովի թաթար անդամ Սուլթանովը գնացել է Դաւալու, ծանօթանալու ճանապարհի վիճակին, բայց դեռ չի վերադարձել:

Խորհրդատոգովը դեռ պաշտօնապէս գոյութիւն ունի, բայց նիստերն ընդհատւած են երեք օրով Բագուում տեղի ունեցած յեղաշրջման հետեւանքով: Ապրիլ 27-ի գիշերւայ ժամը 12-ին բոլշևիկները հասել են Բալաշարի և վերջնապէս են ներկայացրել Ազրբէջանի կառավարութեան, իշխանութիւնը յանձնելու ռազմա-յեղափոխական կոմիտէին. խորհրդարանը 28-ին ընդունել է պահանջը և կատարել: